



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Vesuviano Incendio, Et De Terraemotu Calabriae, Nvntivs

Recupito, Giulio Cesare

Romae, 1644

Widmung

urn:nbn:de:hbz:466:1-12857

EMIN.^{MO} ET REVERENDISS.^{MO} ³

Dom. Meo Colendissimo

D. FRANCISCO

S. R. E. Cardinali

BARBERINO.



Vdet, Eminentissime Cardinalis, opella hæc sustinere maieftatem aspectus tui: atque inter excursions flammaram exarata cursim, per plures menses à me tenebris, quibus eam perpetuo destinaueram, inuoluta, lucem tandem à claritate tui nominis mutuatur, quam à Vesuij flamma non hauserat. Leniet acerbitatem materiae, libello præfixa commemoratio benignitatis tuæ, atque amarissimis deflenda lacrymis Apes tuæ gentilitiæ mellea dulcedine aspergent, Nam illud inter tot infortunia fortunatissimum contigit, quòd Vesu-

A 2

uiana

uiana flamma, quæ, vt olim, toti pæne Europæ vastitatem minitabatur, Urbem planè non attigit. Urbem appello, quæ Orbis terrarum caput, ac propè vna Orbis est. Arsit hoc incendio Campania: cinis vltra Italiam auolauit: fudit vndeque Vesuius nubes flammeas, dum interim Romæ, iuxta Amos vaticiniũ, stillant montes dulcedinem, & colles fluunt lac, & mel. Agnosco Apes Romanorum collium regnatrices: agnosco in Aureis Apibus aureos mores tuos, auro incendia nihil formidante, &, si flagret, exploratiore. Eadem erit, vti spero, fortuna libello huic auspice Te, qui ad maxima natus, minima non aspernabere. Nam diuinum quoque Numen, cui Solis celo lampas accenditur, cereas aris faculas non dedignatur.

Eminentia Tuæ

Seruus humillimus

Iulius Cæsar Recupitus.

DE